



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona, Odluke Vlade o usvajanju program korištenja sredstava sa kriterijima raspodjele sredstava sa pozicije "Subvencije privatnim preduzećima i poduzetnicima – za projekte podrške stranim investicijama i zapošljavanju radnika koji se nalaze na privremenom radu u inozemstvu" broj:01-11.7-1753/24 od 29.02.2024.godine, Ministarstvo privrede raspisuje

## JAVNI POZIV

### ZA ODABIR KORISNIKA SREDSTAVA SA POZICIJE "SUBVENCije PRIVATNIM PREDUZEĆIMA I PODUZETNICIMA – ZA PROJEKTE PODRŠKE STRANIM INVESTICIJAMA I ZAPOŠLJAVANJU RADNIKA KOJI SE NALAZE NA PRIVREMENOM RADU U INOZEMSTVU" ZA 2024. GODINU

#### I PREDMET JAVNOG POZIVA

Sufinansiranje novih investicijskih projekata s ciljem otvaranja novih radnih mjesta i animiranja građana koji imaju boravište van države da daju svoj doprinos ekonomskom napretku Srednjobosanskog kantona.

#### II PRAVO UČEŠĆA

##### (1) Pravo na podnošenje prijave na javni poziv imaju:

- Strani Investitori - pravna lica – privredni subjekti registrovani van Bosne i Hercegovine čiji su vlasnici/većinski suvlasnici državljanji Bosne i Hercegovine koji imaju boravište van Bosne i Hercegovine, a koji planiraju proširiti poslovanje na područje Srednjobosanskog kantona.
- Privredna društva i obrtnici sa većinskim stranim kapitalom koji imaju sjedište na području Srednjobosanskog kantona, a koji nisu stariji više od 3 godine.
- Domaći investitori tj. privredna društva i obrtnici iz Bosne i Hercegovine koji imaju sjedište na području Srednjobosanskog kantona, a koji planiraju zaposliti radnike iz inozemstva.

##### (2) Nemaju pravo na podnošenje prijave:

- banke i druge finansijske organizacije, osiguravajuća društva, sportske kladionice i poslovni subjekti čija djelatnost obuhvata igre na sreću, poljoprivredu, javne institucije, organi uprave, organi jedinice lokalne samouprave, privredna društva čiji su žiro računi blokirani.
- privredna društva koja su pod stečajem ili likvidacijom;
- privredna društva koja nisu izmirila obaveze po osnovu javnih prihoda ili nemaju potpisan sporazum o odgodi plaćanja (doprinosa za PIO/MIO i zdravstveno osiguranje i osiguranje od nezaposlenosti).
- privredna društva koja ne plaćaju porezne obaveze ili nemaju potpisan sporazum o odgodi plaćanja.

#### III KRITERIJI

Pri razmatranju podnesenih zahtjeva vrednovat će se slijedeći kriteriji u rasponu od 0 - 50 bodova:

- stepen vlastitog finansijskog učešća, maksimalno do 50 bodova,
- planirano zapošljavanje novih radnika, maksimalno do 50 bodova.

Da bi ostvarili pravo na sufinansiranje privreda društva i obrtnici u ukupnom zbiru a na osnovu navedenih kriterija moraju osvojiti više od 50 bodova.

#### **IV DOKUMENTACIJA I NAČIN PRIJAVE**

Prijave na javni poziv dostavljaju se putem web plaforme „eprivreda“, putem pošte na adresu Ministarstvo privrede SBK (Stanična 43, Travnik) ili lično na protokol Vlade SBK.

Privredna društva i obrtnici koji se prijavljuju putem web platforme, prije podnošenja prijave, su dužna da se registruju na web platformi „eprivreda“ (www.eprivreda.ba). Privredni društva i obrtnici dužni su na web platformi „eprivreda“, nakon popunjavanja prijavnog obrasca, učitati traženu dokumentaciju.

**(1) Domaći investitori koji planiraju zaposliti radnike iz inozemstva, kao i privredna društva sa većinskim stranim kapitalom koja imaju sjedište na području Srednjobosanskog kantona uz prijavu na Javni poziv obavezni su dostaviti:**

- a) Prijedlog projekta koji treba da sadrži (naziv projekta, opis projekta, opis plana realizacije, iznos vlastitih finansijskih sredstava za realizaciju, planirano novo zapošljavanje, plan ulaganja, viziju za dalji napredak rast i razvoj, očekivane kratkoročne i dugoročne rezultate i sve druge elemente od značaja za predloženi projekat).
- b) Rješenje iz sudskog registra sa svim pojedinačnim priložima ili aktuelni izvod iz sudskog registra, a za obrtnike Rješenje općine o registraciji obrta.
- c) Uvjerenje o poreznoj registraciji (identifikacijski broj: ID broj).
- d) Uvjerenje o registraciji obveznika poreza na dodanu vrijednost (ukoliko je po Zakonu o porezu na dodanu vrijednost u sistemu).
- e) Uvjerenje nadležnih institucija o redovnom izmirenju obaveza po osnovu javnih prihoda ili potpisan sporazum o odgodi plaćanja (doprinosa za PIO/MIO, zdravstveno osiguranje i osiguranje od nezaposlenosti sa 31.08.2024. godine).
- f) Listu osiguranih lica izdatu od strane porezne uprave F BiH.
- g) Uvjerenje o izmirenim indirektnim porezima ili potpisan sporazum o odgodi plaćanja za obveznike poreza na dodanu vrijednost zaključno sa 31.08.2024. godine.
- h) Obavještenje o razvrstavanju subjekata prema klasifikaciji djelatnosti KD 2010 - Federalnog zavoda za statistiku.
- i) Uvjerenje nadležnog suda da subjekt nije pod stečajem ili pred likvidacijom (samo za privredna društva).
- j) Potpisanu i ovjerenu izjavu o nakani namjenskog korištenja sredstava.
- k) Kopiju lične karte odgovorne osobe.
- l) Potvrdu banke o otvorenom transakcijskom računu.
- m) Kopiju ličnog identifikacijskog dokumenta radnika koji će se zaposliti izdata u državi boravišta - prevedena na jedan od službenih jezika u Bosni i Hercegovini i ovjerenu od strane ovlaštenog sudskog tumača (samo za domaće investitore - privredna društva i obrtnike iz Bosne i Hercegovine koji apliciraju za zapošljavanje novih radnika iz inozemstva);

**(2) Strani investitori - pravna lica – privredni subjekti registrovani van Bosne i Hercegovine čiji su vlasnici/većinski suvlasnici državljanji Bosne i Hercegovine koji imaju boravište van Bosne i Hercegovine, a koji planiraju proširiti poslovanje na područje Srednjobosanskog kantona u prijavi na Javni poziv obavezni su dostaviti:**

- a) Obrazac Zahtjeva za uključivanje u program.
- b) Prijedlog projekta koji treba da sadrži (naziv projekta, opis projekta, opis plana realizacije, iznos vlastitih finansijskih sredstava za realizaciju, planirano novo zapošljavanje, plan ulaganja, viziju za dalji napredak rast i razvoj, očekivane kratkoročne i dugoročne rezultate i sve druge elemente od značaja za predloženi projekat).
- c) Dokaz o registraciji privrednog subjekta u državi boravišta ili u nekoj od država iz inozemstva ukoliko vlasnik/većinski suvlasnik ima boravište u nekoj od država inozemstva, sa jasno naznačenom vlasničkom strukturom u privrednom subjektu – preveden na jedan od službenih jezika u Bosni i Hercegovini i ovjeren od strane ovlaštenog sudskog tumača.

- d) Dokaz da vlasnici ili većinski suvlasnici pravnog lica imaju boravište van Bosne i Hercegovine (kopiju ličnog identifikacijskog dokumenta izdatog u državi boravišta - prevedenu na jedan od službenih jezika u Bosni i Hercegovini i ovjerenu od strane ovlaštenog sudskog tumača).

Dokumentacija mora biti ovjerena od strane nadležnih organa;

Privredna društva i obrtnici koji se prijavljuju putem pošte ili lično na protokol Vlade SBK dostavljaju navedenu dokumentaciju, uz koju prilažu popunjen obrazac Zahtjeva za prijavu, koji se nalazi u prilogu Javnog poziva.

Privredna društva i obrtnici koji se prijavljuju putem pošte ili lično na protokol Vlade SBK podnose prijavu na adresu: **Ministarstvo privrede Srednjobosanskog kantona, ul. Stanična 43, 72270 Travnik sa naznakom PRIJAVA NA JAVNI POZIV ZA ODABIR KORISNIKA SREDSTAVA SA POZICIJE "SUBVENCije PRIVATNIM PREDUZEĆIMA I PODUZETNICIMA – ZA PROJEKTE PODRŠKE STRANIM INVESTICIJAMA I ZAPOŠLJAVANJU RADNIKA KOJI SE NALAZE NA PRIVREMENOM RADU U INOZEMSTVU" ZA 2024. GODINU.**

Dokumentacija ne smije biti starija od 3 (slovima: tri) mjeseca računajući od dana objave ovog javnog poziva.

#### **Napomena:**

Izabrani strani investitori će biti dužni da u roku od 60 dana od dana potpisivanja Ugovora o implementaciji odobrenih sredstava da dostave za novoosnovani privredni subjekat:

- a) Rješenje o registraciji privrednog društva na području Srednjobosanskog kantona;
- b) ID broj;
- c) Ugovor sa bankom o otvaranju bankovnog računa;
- d) Dokaz o izvršenom transferu kapitala u Bosni i Hercegovini (potvrda ovlaštene finansijske institucije - banke).

Izabrani investitori preuzimaju obavezu da najmanje 70% svog ulaganja realizuju u novcu, što će dokazati potvrdom ovlaštene finansijske institucije (banke) o izvršenom transferu kapitala u Bosnu i Hercegovinu. Preostalu vrijednost realizuju kroz ulaganje u objekte, opremu, obuku radnika, licenciranje/certificiranje i slično (vrijednost ulaganja mora biti dokaziva finansijskom dokumentacijom

#### **V KOMISIJA**

- (1) Ministar Ministarstva privrede Srednjobosanskog kantona imenuje Komisiju koja razmatra i vrednuje prijave i sačinjava prijedlog Odluke o dodjeli sredstava.
- (2) Komisija podnosi izvještaj o radu Ministru Ministarstva privrede sa prijedlogom Odluke o dodjeli sredstava.
- (3) Prijedlog Odluke o dodjeli sredstava Ministar Ministarstva privrede Srednjobosanskog kantona upućuje Vladi Srednjobosanskog kantona koja donosi Odluku o dodjeli sredstava.

#### **VI OSTALE ODREDBE**

- (1) Ministarstvo privrede Srednjobosanskog kantona potpisati će Ugovor o implementaciji odobrenih sredstava u kojem će biti preciziran način, dinamika i nadzor nad trošenjem istih.
- (2) Ministarstvo privrede Srednjobosanskog kantona ne snosi troškove učesnicima Javnog poziva i zadržava pravo da Zahtjev prihvati u cijelosti, djelimično ili ga u potpunosti odbije u bilo koje vrijeme prije zaključivanja ugovora. Prispjela dokumentacija neće se vraćati.

- (3) Rok za podnošenje prijave je 20 (slovima: dvadeset) dana od dana objavljivanja Javnog poziva u sredstvima javnog informisanja i web-stranici Vlade Srednjobosanskog kantona [www.sbk-ksb.gov.ba](http://www.sbk-ksb.gov.ba).
- (4) Nepotpune, neblagovremene i neuredne prijave neće se uzete u razmatranje.
- (5) Sve dodatne informacije mogu se dobiti svakim radnim danom putem telefona broj: 030/511-217 od 09,00 do 12,00 sati.

Broj: 05-11-8945/24  
Travnik, 04.11.2024.godine.

MINISTAR  
dr.sci. Sedžad Milanović